

**VETERINARSKI FAKULTET U  
SARAJEVU**

Broj ~~12-990-5~~/10  
Sarajevo, 15.12.2010. godine

Na osnovu člana 137. Pravila Veterinarskog fakulteta u Sarajevo, Upravni odbor na VII redovnoj sjednici održanoj dana 15.12.2010.godine, donio je

**O D L U K U**

Član 1.

Donosi se Pravilnik o ponašanju, disciplinskoj i materijalnoj odgovornosti studenata na Veterinarskom fakultetu u Sarajevu, koji je sastavni dio ove Odluke.

Član 2.

Ova Odluka stupa na snagu danom donošenja.

**DOSTAVITI:**

1. Šefovima org.jedinica
2. Dekanu
3. Prodekanima
4. Sekretaru
5. Odjeljenje za fin.i rač.poslove
6. Oglasna ploča
7. a/a



**VETERINARSKI FAKULTET  
UNIVERZITETA U SARAJEVU**



**PRAVILNIK O PONAŠANJU, DISCIPLINSKOJ I  
MATERIJALNOJ ODGOVORNOSTI STUDENATA  
VETERINARSKOG FAKULTETA U SARAJEVU**

**Sarajevo, 2010. godine**

Na osnovu člana 90. i 137. a u vezi sa članom 172. Pravila Veterinarskog fakulteta u Sarajevu, Upravni odbor na \_\_ sjednici održanoj \_\_. \_\_. 2010. godine donio je

**PRAVILNIK O PONAŠANJU, DISCIPLINSKOJ I MATERIJALNOJ  
ODGOVORNOSTI STUDENATA  
VETERINARSKOG FAKULTETA U SARAJEVU**

**OPĆE ODREDBE**

**Član 1.**

Pravilnikom o ponašanju, disciplinskoj i materijalnoj odgovornosti studenata Veterinarskog fakulteta u Sarajevu (u daljem tekstu: Pravilnik) (utvrđuju se ili regulišu se) prava i obaveze studenta, mirovanje prava i obaveza studenta, disciplinska odgovornost studenta, pokretanje i vođenje disciplinskog postupka, sastav Komisije za disciplinsku odgovornost studenta i učinjene materijalne štete, kvalifikacija disciplinskih povreda te odgovarajuće disciplinske mjere i druga relevantna pitanja na Veterinarskom fakultetu u Sarajevu (u daljem tekstu Fakultet).

**Član 2.**

Odgovornost iz ovog Pravilnika može biti:

1. disciplinska za povrede obaveze (discipline ) i
2. materijalna (naknada štete) – za prouzrokovanu štetu

Odgovornost iz stava 1. ovog člana temelji se na krivici učinioca (subjektivna odgovornost)

**II DOMEN PRIMJENE PRAVILNIKA**

**1. Lica sa statusom studenta**

**Član 3.**

Pravilnik se primjenjuje na fizičko lice koje na Fakultetu ima status:

1. redovnog studenta dodiplomskog studija
2. studenta postdiplomskog studija

Status studenta dokazuje se javnom ispravom (indeks) koju izdaje Fakultet odnosno Univerzitet u Sarajevu.

## **2.Lica koja nemaju status studenta**

### **Član 4.**

Na lice koje, u smislu ovog Pravilnika, nema status studenta, a izvršilo je prekršaj Pravila ponašanja vezano za studiranje koja su utvrđena Zakonom, aktima Univerziteta u Sarajevu primjenjuju se opšta Pravila o krivičnoj i imovinskoj odgovornosti koje važe u Federaciji BiH.

Protiv lica iz stava 1. ovog člana Pravilnika Fakultet podnosi prijavu nadležnom državnom organu .

## **III PRAVA I OBAVEZE STUDENATA**

### **Član 5.**

Student ima pravo i obavezu da studira po usvojenim i odobrenim pravilima studiranja i nastavnom planu i programu te da bude ispitivan i ocjenjivan u skladu sa pravilima koja su transparentna, pravična i dostupna svakom studentu.

Prava i obaveze iz studentskog standarda su lična i neprenosiva.

#### **1. Student ima pravo na:**

- a) prisustvovanje svim oblicima nastave;
- b) kvalitetan nastavni proces u skladu sa usvojenim i odobrenim nastavnim planom i nastavnim programom;
- c) blagovremeno i tačno informisanje o svim pitanjima koja se odnose na studij;
- d) ravnopravnost u pogledu uvjeta studija i tretmana u visokoškolskoj ustanovi kao i na povlastice koje nosi status studenta;
- e) različitost i zaštitu od diskriminacije;
- f) pravo na zdravstvenu zaštitu u skladu sa zakonom;
- g) korištenje biblioteke i drugih usluga koje se pružaju studentima na visokoškolskoj ustanovi a u skladu sa aktima visokoškolske ustanove;
- h) konsultacije i pomoć akademskog osoblja u savladavanju nastavnog sadržaja, a posebno pri izradi završnog rada;
- i) slobodu mišljenja i iznošenja ličnih stavova koji su u vezi sa nastavnim sadržajem u toku realiziranja nastavnog procesa;
- j) evaluaciju rada akademskog osoblja;
- k) priznavanje i prenos bodova između visokoškolskih ustanova s ciljem osiguranja mobilnosti;
- l) učešće u postupku izbora za studentsko predstavničko tijelo i druga tijela ustanovljena statutom visokoškolske ustanove;
- m) sudjelovanje u radu studentskih organizacija;

- n) sudjelovanje u radu i odlučivanju tijela visokoškolske ustanove u skladu sa statutom;
- o) zaštitu u slučaju povrede nekog od njegovih prava na način utvrđen zakonom ili općim aktima visokoškolske ustanove;
- p) druga prava predviđena statutom i drugim općim aktima visokoškolske ustanove.

## 2. Student ima sljedeće obaveze:

- a) pridržavati se pravila studiranja koje je propisala visokoškolska ustanova
- b) ispunjavati nastavne i druge obaveze studenta
- c) iskazivati poštovanje prema pravima akademskog i neakademskog osoblja, kao i pravima drugih studenata u visokoškolskoj ustanovi
- d) uredno izvršavati svoje studijske obaveze i učestvovati u akademskim aktivnostima
- e) poštivati kućni red visokoškolske ustanove, etički kodeks i druge akte koje je propisala visokoškolska ustanova
- f) student je obavezan da prijavi disciplinske povrede studenata i zaposlenika, kao i prouzrokovanu štetu Dekanu Fakulteta

## 3. Mirovanje prava i obaveza studenta

### Član 6.

Prava i obaveze studenta miruju u slučajevima utvrđenim zakonom i statutom visokoškolske ustanove.

Samo u izuzetnim slučajevima visokoškolska ustanova može na zahtjev studenta odobriti da mu iz opravdanih razloga određeno vrijeme, a najduže godinu dana, miruju prava i obaveze.

Pod opravdanim razlozima iz stava 2. ovog člana podrazumijevaju se slučajevi:

- a) trajanja teške bolesti zbog koje student nije mogao pohađati nastavu i polagati ispite;
- b) trajanja porodijskog odsustva;
- c) i drugi slučajevi utvrđeni statutom ili drugim općim aktom visokoškolske ustanove.

Postojanje opravdanih razloga iz stava 3. ovog člana student potvrđuje prezentiranjem dokaza rukovodiocu organizacione jedinice, izdatih od nadležne javne zdravstvene ili druge ustanove relevantne za svaki konkretni slučaj.

Rukovodilac organizacione jedinice donosi odluku po zahtjevu studenta iz stava 2. ovog člana, zadržavajući pravo na provjeru opravdanosti razloga iz stava 3. ovog člana.

Student kojem ne miruju prava i obaveze, a koji ne upiše narednu odnosno ne obnovi upis u istu studijsku godinu izjednačava se sa statusom studentom koji se ispisao sa visokoškolske ustanove.

## IV POVREDA OBAVEZA / DISCIPLINE STUDENATA

### - Disciplinska odgovornost studenta

#### 1. Opšta pozivanja na povredu obaveza / discipline

##### Član 7.

Student se može pozvati na odgovornost u slučaju prekršaja odnosno povrede pravila koje je utvrđeno okvirnim Zakonom o visokom obrazovanju BiH, Zakonom o visokom obrazovanju Kantona Sarajevo, općim aktom Univerziteta u Sarajevu, odlukama organa upravljanja i odlukama nastavnonaučnog vijeća Fakulteta ili Univerziteta u Sarajevu, iako taj prekršaj nije izričito predviđen kao lakša ili teža povreda obaveza studenta.

##### Član 8.

Općim aktom Univerziteta u Sarajevu i ovim Pravilnikom preciznije se regulišu: postupak disciplinske odgovornosti studenta, teže i lakše povrede obaveza, disciplinski organi i postupak za utvrđivanja odgovornosti studenta. Postupak disciplinske odgovornosti protiv studenta može biti pokrenut samo za one teže i lakše povrede obaveza koje su prije nego što su počinjene bile utvrđene općim aktom visokoškolske ustanove i za koje je bila propisana odgovornost.

Postupak disciplinske odgovornosti ne može se pokrenuti:

- a) nakon isteka šest mjeseci od dana saznanja za povredu obaveze i počinioca
- b) nakon isteka godine dana od dana kad je povreda obaveze iz stava 1. ovog člana učinjena

Za težu povredu obaveze studentu se može izreći i mjera isključenja sa visokoškolske ustanove.

Krivična i prekršajna odgovornost ne isključuje disciplinsku odgovornost studenata.

##### Član 9.

Radi povrede obaveza i štete, koju učini svojom krivicom, student odgovara disciplinski. Za povrede obaveza i štete odgovara student za vrijeme dok je upisan i ima status studenta. Povrede obaveza mogu biti lakše i teže.

##### Član 10.

#### 1. Teže i lakše povrede obaveza/discipline studenta

Lakšom povredom obaveza, smatra se:

1. dolazak na predavanje, vježbe i druge obavezne oblike nastave sa zakašnjenjem ili neopravdano napuštanje nastave prije određenog vremena
2. ometanje bilo kojeg oblika nastave
3. nepristojan i nekorektan odnos prema studentima, nastavnicima, saradnicima i drugim uposlenicima na Fakultetu

4. prouzrokovanjem šteta na imovini Fakulteta u manjem obimu, krajnjom nepažnjom ili namjerno u visini do 1.000,00 KM
5. nedozvoljeno primanje i pružanje pomoći te upotreba nedozvoljenih pomagala na ispitima
6. neopravdani izostanak sa sjednica Nastavnonaučnog vijeća Fakulteta i drugih komisija u kojima su studenti članovi
7. nepoštivanje pravila ponašanja u laboratorijama i bibliotečko-informacijskom prostoru Fakulteta
8. postupci kojima se namjerno ili iz krajnje nepažnje zagađuje okoliš Fakulteta (bacanje otpadaka, kemikalija i dr.).
9. neprijavlivanje disciplinskih povreda studenata
10. iznošenje netačnih informacija o radu i poslovanju Fakulteta.

### **Član 11.**

Težom povredom obaveze smatra se:

1. narušavanje ugleda i dostojanstva Univerziteta i Fakulteta
2. izvršenje bilo koje protupravne radnje koja je zakonom utvrđena kao krivično ili prekršajno djelo
3. činjenje djela koja izazivaju opću opasnost i ugrožavaju život uposlenika i studenata
4. unosenje i korištenje oružja, pirotehničkih, eksplozivnih i toksičnih sredstava u prostore Fakulteta
5. dolazak na Fakultet u pripitom stanju ili pod utjecajem opojnih droga i upotreba alkohola ili drugih narkotičnih sredstava u vrijeme izvodjenja nastave i boravka na Fakultetu
6. falsifikovanje isprava uopšte, a naročito isprava za ostvarivanje prava studenta na Fakultetu (indeks, prijave, uvjerenja, potvrde i drugo)
7. prezentiranje tuđeg rada kao svoga
8. davanje neistinitih podataka nadležnim licima i organima Fakulteta, radi ostvarivanja nekog prava koje ne pripada studentu po važećim propisima
9. narušavanje pravila za zaštitu autorskih prava i intelektualnog vlasništva
10. krivo predstavljanje, prisustvovanje provjerama znanja u ime druge osobe
11. neizvršenje zadataka koji se odnose na povrede poslovne ili druge tajne utvrđene opštim aktom Fakulteta;
12. nedozvoljeni pristup resursima informacionog sistema Fakulteta, Univerziteta i ostalih subjekata povezanih s Fakultetom putem Interneta
13. izgradnja ili upotreba programa čija je namjena uništenje ili onesposobljavanje mrežnih, programskih, podatkovnih ili informacijskih resursa Fakulteta ili ostalih subjekata povezanih s fakultetom i Univerzitetom, kao i tuđih resursa putem informacione mreže Fakulteta i Univerziteta
14. uzrokovanje veće materijalne štete na imovini fakulteta iznad 1.000,00 KM
15. izazivanje nereda i tuče ili sudjelovanje u neredu ili tuči u prostorijama i krugu Fakulteta
16. oštećenje ili otuđenje imovine koja je vlasništvo Fakulteta

17. ponavljanje (najmanje dva puta tokom akademske godine) lakših povreda zbog kojih je studentu bila izrečena disciplinska mjera
18. Težom povredom smatra se tri ili više puta ponovljena lakša povreda

## **2. Svojstvo u izvršenju povrede obaveze/discipline**

### **Član 12.**

Povredu obaveze/discipline student može učiniti u svojstvu:

1. Izvršioca ili saizvršioca (više lica)
2. Podstrekača,
3. Pomagača i
4. Prikrivača

Svojstvo i stepen krivice (krivnje) u izvršenju povrede obaveze utvrđuju se u postupku.

## **3. Mjesto izvršenja povrede obaveze/discipline**

### **Član 13.**

Povreda obeveze/discipline može biti učinjena:

1. u bilo kojoj prostoriji u zgradi Fakulteta ili u neposrednoj bilizini zgrade Fakulteta;
2. u prostorijama ili ispred prostorija u kojima se izvodi nastava;
3. na svakom drugom mjestu, ako se preduzetim radnjama, narušava ugled Fakulteta /Univerziteta u Sarajevu, drugog studenta ili studenta, nastavnika i saradnika ili nekog od nenastavnog osoblja Fakulteta/Univerziteta u Sarajevu (napr.iznošenje neistinitih informacija, podataka i slično);
4. na svakom drugom mjestu, ako se preduzetim radnjama namjeravalo steći neko pravo na protupravan način ili protivpravna imovinska korist;

## **4.Vrijeme izvršenja povrede, obaveze/discipline**

### **Član 14.**

Povreda obaveze/discipline učinjena je u periodu dok lice ima status studenta

## **V DISCIPLINSKE MJERE I NAKNADE ŠTETE**

1. Disciplinske mjere

### **Član 15.**

Disciplinske mjere za povredu obaveze /discipline su:

1. opomena, koja se izriče za lakšu povredu obaveza;
2. javna opomena, koja se izriče kada je student istovremeno učinio više lakših povreda obaveza ili je više lakših povreda učinio u kratkom vremenskom periodu;
3. isključenje sa Fakulteta:
  - a) na period od godinu dana koje se može u određenim opravdanim slučajevima odrediti sa rokom odgode od godinu dana . Mjera isključenja sa Fakulteta na



jednu studijsku godinu izriče se za učinjenu težu ili teže povrede  
obaveza/discipline,  
b) mjere isključenja sa Fakulteta trajno izriče se za najteže povrede  
obaveza/discipline.

## 2. Princip individualizacije

### Član 16.

Prilikom izricanja mjere uzimaju se u obzir naročito: motivi iz kojih je povreda obaveza /discipline učinjena, posljedice koje je izazvala povreda, način izvršenja povreda obaveza, ranije ponašanje studenta, kao i njegovo ponašanje poslije učinjene povrede obaveze/discipline.

## 3. Naknada štete

### Član 17.

Odgovornost po osnovu prouzrokovanja štete postoji ako je radnja učinjena namjerno ili iz kranje nepažnje.  
Naknada prouzrokovane štete obuhvata prostu (stvarnu ) štetu u visini stvarnog oštećenja, uključujući i odgovarajuće troškove.

## 4. Kumulacija sankcija

### Član 18.

Odlukom o izricanju disciplinske mjere određuje se i iznos naknade štete, ako je šteta prouzrokovana.

## 5. Šteta učinjena drugom licu

### Član 19.

Ako je student prouzrokovao štetu na imovini ili ličnom dobru drugom licu, Fakultet ne odgovara za štetu.

## **VII POSTUPAK ZA UTVRĐIVANJE POVREDE OBAVEZE/ DISCIPLINE I NAKNADA ŠTETE**

### 1. Prijava

### Član 20.

Prijavu o učinjenoj povredi obaveze/discipline ili prouzrokovanju štete, kada je došlo do saznanja dužan je podnijeti:

1. svaki student;
2. svaki zaposlenik;
3. dekan po službenoj dužnosti;

4. svako lice koje je angažovano na Fakultetu/Univerzitetu
5. član organa upravljanja Fakultetom

Prijava se može podnijeti pismeno i mora sadržavati naročito:

1. ime i prezime studenta ili studenata koji su učinili povredu obaveza ili prouzrokovali štetu;
  2. njihovu bližu identifikaciju;
  3. opis radnje kojim je učinjena povreda obaveza /discipline ili prouzrokovana šteta uz navođenja mjesta, vremena i načina izvršenja
  4. dokaze (javnu ispravu, svjedoke i druge dokaze)
- Prijava se podnosi Dekanu Fakulteta

## 2. Pokretanje postupka

### Član 21.

Postupak za utveđivanje odgovornosti pokreće Dekan svojom odlukom u formi pismenog rješenja .

Rješenje Dekana u pokretanju postupka za utvrđivanje odgovornosti obavezno sadrži podatke iz člana 20. stav 2. ovog Pravilnika , kao i imena članova komisije za utvrđivanje odgovornosti studenta i sprovođenje disciplinskog postupka. Komisiju čini pet članova od čega je četvoro iz reda nastavnika , a peti je predstavnik studenata.

Rješenje o pokretanju postupka i imenovanju komisije iz prethodnog stava ovog člana lično se uručuje studentu putem Protokola Fakulteta uz obavezno uputstvo da može angažovati punomoćnika.

Prije donošenja rješenja iz stava 2. ovog člana Dekan može odrediti da uposlenik iz Odjeljenja za opšte pravne i personalne poslove Fakulteta, provede predhodni postupak u cilju provjere navoda iz prijave i provođenja potrebnih radnji u cilju pribavljanja dokaza.

## 3. Rokovi

### Član 22.

Postupak za utvrđivanje odgovornosti studenta za učinjene povrede obaveza/discipline i prouzrokovanu štetu ne može se pokrenuti niti voditi:

1. za lakšu povredu obaveze/discipline po isteku 6 (šest ) mjeseci računajući od dana saznanja za učinjenu povredu ili prouzrokovanu štetu;
2. za težu povredu obaveze / discipline po isteku 12 (dvanaest) mjeseci računajući od dana saznanja za učinjenu povredu i prouzrokovanu štetu;

Apsolutni rok zastare za utvrđivanje odgovornosti studenta za učinjenu povredu obaveze/discipline ili prouzrokovane štete jeste 12 (dvanaest) mjeseci računajući od dana kada je učinjena povreda ili šteta prouzrokovana.

Ako učinjena povreda obaveze/disciplilne ima obilježje krivičnog djela (npr. Falsifikovanje javne isprave) apsolutni rok zastare je onaj rok koji je utvrđen krivičnom zakonu za to djelo.

#### 4. Zakazivanje rasprave

##### **Član 23.**

Dekan zakazuje raspravu za utvrđivanje odgovornosti za povredu obaveze /discipline ili prouzrokovanu štetu.

Rasprava se zakazuje u prostorijama Fakulteta u toku radnog vremena pred komisijom koju je imenovao Dekan u skladu sa članom 21. stav 2. ovog Pravilnika.

Na raspravu se poziva student, protiv koga je pokrenut postupak ili njegov punomoćnik i drugo lice čije je prisustvo neophodno.

Pismeni poziv za raspravu lično se uručuje studentu putem Protokola Fakulteta.

#### 5. Održavanje (tok rasprave)

##### **Član 24.**

Usmenu raspravu uz prisustvo Dekana vodi predsjednik komisije Fakulteta.

Rasprava se održava u prostorijama Fakulteta na dan i u vrijeme kako je utvrđeno u pozivu za raspravu.

Rasprava se ne može održati ako studentu protiv koga se vodi postupak, odnosno njegovom punomoćniku poziv za raspravu nije uredno uručen.

Usmena rasprava se odvija prema slijedećem redosljedu:

1. Konstatovanje prisustva pozvanih lica i utvrđivanjem njihovog svojstva (lice protiv koga se vodi postupak, svjedok, vještak, zapisničar i dr.);
2. Čitanjem prijave iz člana 20. ovog Pravilnika;
3. Davanjem izjave od strane studenta protiv kojeg se vodi postupak;
4. Provođenjem dokaznog postupka; uvidom u javne isprave, saslušanjem svjedoka, uvidom u odgovarajuće evidencije, koje se vode na Fakultetu, saslušanjem vještaka i dr.;
5. Davanjem završnih izjava studenta protiv koga se vodi postupak ili njegovog punomoćnika.

Rasprava se odvija postavljanjem pitanja i davanjem odgovora (kontradiktorni postupak) Ako se rasprava ne može završiti na jednom ročištu, zakazuje se novo ročište, najkasnije za 15 dana.

Dekan na osnovu odluke komisije donosi odluku o izricanju mjere ili obustavljanje postupka.

Odluka o visini štete, odgovornosti za štetu i obavezu studenta da nastalu štetu nadoknadi donosi Dekan Fakulteta.

Ako student ne nadoknadi štetu, Dekan je obavezan da podnese tužbu nadležnom sudu, radi nadoknade štete.

## 6. Zapisnik

### Član 25.

Na raspravi se vodi zapisnik u koji se unose svi relevantni podatci, vezani za tok rasprave iz člana 23. ovog Pravilnika .

Vođenje zapisnika, pribavljanje dokaza izrada i objava odluke disciplinske komisije povjerava se licu koje odredi Dekan iz Odjeljenja za opštee pravne i personalne poslove Fakulteta.

## 7. Dostavljanje odluke

### Član 26.

Odlukom, kojom se odlučuje o disciplinskoj mjeri i naknadi štete, donosi Dekan u formi pisanog rješenja najkasnije 8 (osam) dana nakon zaključenja rasprave.

Rješenje iz stava 1. ovog člana sadrži naročito:

1. ime i prezime studenta protiv koga se izriče mjera i podatci o njegovoj identifikaciji;
2. opis učinjene radnje, mjesto, vrijeme i način izvršenja;
3. vrstu disciplinske mjere (član 15. Pravilnika) i iznosa naknade štete (član 17.), ako je student proglašen krivim;
4. obrazloženje rješenja;
5. pouka o pravnom lijeku i rok za podnošenje žalbe;
6. potpis Dekana i pečat Fakulteta sa brojem i datumom rješenja.

Ako je student oslobođen od odgovornosti ili je postupak o utvrđivanju odgovornosti obustavljen u dispozitivu rješenja se navodi izreka o tome uz sve ostale elemente iz stava 2. ovog člana.

Rješenje iz stava 1. ovog člana uručuje se lično studentu putem Protokola Fakulteta, a ako je to nemoguće primjenjivat će se odredbe Zakona o upravnom postupku.

## 8. Žalba

### Član 27.

Protiv rješenja iz člana 26. ovog Pravilnika student može, lično ili putem svog punomoćnika, uložiti žalbu Nastavnonaučnom vijeću Fakulteta, kao drugostepenom organu.

Žalba se ulaže najkasnije 8 (osam) dana, računajući od dana prijema prvostepenog rješenja.

Nastavnonaučno vijeće Fakulteta može prvostepeno rješenje: potvrditi ili preinačiti ili poništiti u cijelosti ili djelimično.

Odluka Nastavnonaučnog vijeća Fakulteta je konačna.

#### 9. Primjena pravila o upravnom postupku

##### **Član 28.**

Na postupku utvrđivanja odgovornosti studenata primjenjuju se odredbe Zakona o pravnom postupku, ako u ovom Pravilniku nisu predviđena procesna pravila.

#### 10. Evidencija

##### **Član 29.**

O izrečenim disciplinskim mjerama i naknadi štete vodi se posebna evidencija, koju ustrojava prodekan

Evidenciju iz stava 1. ovog člana vodi Odjeljenje za studentske poslove.

### **VIII PRELAZNE I ZAVRŠNE ODREDBE**

##### **Član 30.**

Postupak koji je pokrenut protiv studenta prije dana stupanja na snagu ovog Pravilnika okončaće se prema odredbama ovog Pravilnika, ako je on povoljniji za studenta.

##### **Član 31.**

Ovaj Pravilnik stupa na snagu danom donošenja, a isti će se odmah oglasiti na oglasnim polacama Fakulteta .

Izmjene i dopune Pravilnika vrše se na način i po postupku za njegovo donošenje .  
Tumačenje Pravilnika i pojedinih njegovih odredbi vrši Upravni odbor Fakulteta.

Sarajevo, 15.12.2010.

**PREDSJEDNIK UPRAVNOG  
ODBORA**

Broj: 01-02-990-2/10

Prof.dr Salko Muratović

Pravilnik oglašen dana:  
15.12.2010.